

12. maí 2020

Fundur nr. 3 á árinu 2020 í aðalstjórn Vestra, haldinn kl. 17:00 í Vestrahúsinu á Ísafirði.

Mætt eru Hjalti Karlsson, Sólrún Geirsdóttir, Jóna Lind Kristjánsdóttir, Guðfinna Hreiðarsdóttir, Guðni Guðnason, Þorsteinn Þráinsson, Jónas Gunnlaugsson og Gísli Jón Hjaltason í fjarfundi.

Gengið til dagskrár:

### **1. Styrkur ríkisins til íþróttafélaga vegna Covid-19**

Formaður gerði grein fyrir upplýsingum frá HSV varðandi styrk frá ríkinu til íþróttafélaga, í heild 450 m.kr. sem skiptast þannig að 300 m.kr. fara beint til aðildarfélaga út frá fjölda iðkenda og hefðbundinna reikniforsenda ÍSÍ en 150 m.kr. er ætlaðar í sértækar aðgerðir og þurfa félögin að sækja sérstaklega um til að fá styrk úr þeim potti og sýna fram á tekjumissi, s.s. vegna þess að íþróttaviðburðir eða fjáröflunarverkefni hafa fallið niður vegna Covid. Tekjumissirinn þarf að nema amk 1 m.kr. sem þýðir að líklega þarf aðalstjórn Vestra að senda inn eina umsókn fyrir allar deildir félagsins til að ná þessu lágmarki. Þessar upplýsingar verða kynntar forsvarsmönnum deilda þannig að þeir geti farið að undirbúa gögn vegna umsókna í þennan pott.

### **2. Aðalfundur**

Þegar aðgerðir stjórnvalda vegna Covid-19 voru kynntar í mars var ljóst að ekki væru tæk á að halda aðalfundi deilda skv áætlun. Lét formaður þau boð út ganga að deildum væri heimilt að fresta aðalfundum þar til samkomubanni og sóttvarnaaðgerðum hefði verið aflétt. Það er nú að mestu gengið til baka og var samþykkt að óska eftir því við deildir að þær héldu aðalfundi við fyrsta tækifæri. Jafnframt var ákveðið að stefna á að halda aðalfund Vestra miðvikudaginn 27. maí kl. 20 á Hótel Ísafirði. Að sögn gjaldkera eru reikningar tilbúnir frá endurskoðanda. Hvað varðar kosningu nýrrar stjórnar þá þarf skv lögum félagsins að kjósa tvo nýja stjórnarmenn en þeir sitja til tveggja ára. Sólrún og Guðni hafa setið tvö ár í stjórn og þurfa að endurnýja umboð sitt þar sem þau gefa bæði kost á sér áfram. Formaður er kosinn til eins árs í senn og gefur Hjalti ekki kost á sér sem formaður áfram þannig að finna þarf nýjan formann í hans stað. Einnig þarf að kjósa varamenn en bæði Jónas og Þorsteinn gefa kost á sér áfram.

### **3. Styrkur úr fræðslusjóði UMFÍ**

Guðfinna greindi frá því að 150.000 króna styrkur hefði fengist úr fræðslusjóði UMFÍ til að þýða siðareglur og gildi félagsins ásamt jafnréttisstefnu. Sömuleiðis á styrkurinn að fara í hönnun og uppsetningu á þessu efni. Formaður hefur talað við Snorra Bergsson um þýðingu og Gunnar Bjarna Guðmundsson um uppsetningu og hönnun.

### **4. Anddyrið í íþróttahúsinu á Torfnesi**

Formaður greindi frá því að hann hefði verið í sambandi við Stefaníu Ásmundsdóttur, sviðsstjóra skóla- og tólmstundasviðs, varðandi þetta mál. Einhver smá peningur var ætlaður í þetta mál á síðasta ári en ekkert var hins vegar gert. Stefanía sagðist ekki vera upplýst um þetta mál en ætlaði að skoða það sem og uppbyggingarsamninginn.

### **5. Bygging fjölnota knattspyrnuhúss á Torfnesi.**

Formaður fór yfir stöðuna á knattspyrnuhúsamálinu en fram hefur komið að ekkert tilboð barst í alútboð sem fram fór síðasta haust. Hafa menn síðan verið að skoða hvernig leysa megi málið og hvort mögulegt sé að bjóða út einstaka verkhluta. Eru menn í viðræðum við norska aðila um kaup á húsi frá Noregi en íslenskir aðilar yrðu fengnir til að sjá um jarðvegsvinnu og uppslátt á sökkli undir húsið.

#### **6. Framkvæmdir í Vallarhúsinu**

Formaður greindi frá því að ekki hefði verið hægt að bíða lengur með frágang á rafmagni í Vallarhúsinu og hefði verið samið við Pólinn um þá vinnu.

#### **7. Grasvöllurinn og búningssklefar**

Formaður skýrði frá því að grasvöllurinn liti ekki nógu vel út eftir veturinn og væri talsvert kalinn. Fyrsti leikur meistaraflokks Vestra er 6. júní sem keppir þá við Hörð í bikarkeppninni, er ólíklegt að völlurinn verði orðinn góður fyrir þann tíma. Þá hefur knattspyrnudeildin óskað eftir því að fá aðgang að búningssklefunum í íþróttahúsinu fyrir fótboltann.

#### **8. Áhrif Covid-19 á starfsemi deilda Vestra**

Almennar umræður um áhrif vegna aðgerða stjórnvalda til að takmarka útbreiðslu Covid-19 veirunnar. Keppni var hætt í Íslandsmótum hjá bæði blaki og körfu og mót sem halda átti hér fyrir vestan féllu niður. Voru það talsverð vonbrigði að meistaraflokkur karla í körfunni hafði tryggt sér sæti í undanúrslitakeppni 1. deildar en mótinu var hætt áður en hún hófst. Deildirnar hafa orðið fyrir nokkrum tekjumissi vegna fjáraflana sem ekki var unnt að halda og gera má ráð fyrir að erfiðara verði að sækja styrki til fyrirtækja.

Fleira ekki gert, fundi slitið kl. 18:15

Fundargerð ritaði Guðfinna Hreiðarsdóttir